

Ntango nyonso soki Nzambe alingi kobikisa moto, abangisaka te; abakisaka ngolu na ye mingi mpenza. Na miso ya bato ekoki komonana lokola azali kosalela makasi to kolendisa moto, kasi ezalaka motema mawa na Ye. Ndenge wana nde esalemaki epayi ya Lutu, mwasi na ye mpe bana na bango.

Tango baanzelu mibale bamonaki ete bazali kokakatana mpe kozanga kosala noki, basimbaki bango na maboko mpe babimisaki bango na makasi libanda ya engumba, mpo Nzambe ayokelaki bango mawa mingi.

Ebandeli 19:15-16 (Mokanda na Bomoi)

“Ntango butu esilaki, baanzelu balendisaki Lutu, balobaki: ‘Telema! Kamata mwasi na yo mpe bana na yo mibale oyo bazali awa, mpo obebisama te kati na masumu ya engumba oyo.’

Kasi azalaki kokakatana; bongo bato yango basimbaki loboko na ye, loboko ya mwasi na ye mpe maboko ya bana na ye mibale, mpo Yawe ayokelaki ye mawa; babimisaki bango mpe batikaki bango libanda ya engumba.”

Kasi kosimbama na maboko yango ezalaki ya seko te. Tango babimisaki bango libanda, basengelaki kosala mokano na bango moko. Balobaki na bango: “Bóbikisa milimo na bino, bótala nsima te!” Kasi mwasi ya Lutu asalaki mabe mpo amibongisaki te na motema.

Ebandeli 19:17 (Mokanda na Bomoi)

“Tango babimisaki bango libanda, moko alobaki: ‘Bíkisa molimo na yo! Kotala nsima te mpe kotelema te na lobwaku; kima na ngomba mpo obebisama te.’”

Bandeko, elilingi oyo ezali kolakisa ete lobiko ezali likabo monene ya ngolu. Moto moko te akoki komibikisa na makasi na ye moko. Yango wana Nzambe atindaki Mwana na Ye, , mpo ayoka mawa na biso mpe abikisa biso na etumbu ya mikolo ya nsuka mpe na libulu ya moto. Ye nde azali kosimba loboko na biso mpo abimisa biso na engumba ya liwa mpe amema biso na esika ya kimia.

Kasi soki Nzambe asili kotia biso na esika ya kobika, ezali mokumba na biso kotosa mpe kokima masumu mosika. Tokoki

kozonga lisusu na mabe te mpe kozela ete ngolu ebimisa biso lisusu. Tango Nzambe asimbi loboko na biso mpe abimisi biso, tosengeli kotambola liboso na komibikisa.

Totala sik'oyo mwasi ya Lutu. Azalaki ndakisa ya moto oyo abikisi nzoto, kasi motema na ye etikalaki na mokili. Tango atalaki nsima, akómaki likonzí ya mungwa. Mpo na nini mungwa? Mungwa ezali eloko oyo eumelaka ntango molai. Nzambe alobelaki mpe boyokani na Ye na Davidi lokola “boyokani ya mungwa”, elingi koloba boyokani ya seko.

2 Ntango 13:5 (Mokanda na Bomoi)

“Bóyebi te ete Yawe, Nzambe ya Yisraele, apesaki Davidi bokonzi likoló ya Yisraele mpo na seko, ye mpe bana na ye, na boyokani ya mungwa?”

Yango elakisi ete kozanga kotosa ekoki komema moto na bokabwani ya seko na Nzambe. Soki Nzambe abikisi biso na nzela ya Yesu, kasi tozali kosakana na lobiko na biso—Ielo tozali elongo na Ye, lobi tozongi na masumu—tobengi likama na bomoi na biso

ya molimo.

Bandeko, lobiko ezali eloko ya komeka te. Biblia elobi:

Bafilipi 2:12-13 (Mokanda na Bomoi)

*“...Bókoba kosala mpo na kobikisa na bino na bobangi mpe na kolenga;
mpo Nzambe nde azali kosala kati na bino, kopesa bino bolingi mpe makasi mpo bosala mokano na Ye malamumu.”*

Soki ozali kotanga maloba oyo mpe ozali koyoka naino mongongo ya molimo na kati na yo, koyoka bobangi to mawa mpo na masumu na yo, wana ezali Molimo Mosantu azali kobenga yo lisusu. Kotika ete mongongo wana ezima te. Bonga motema na yo lelo. Tika masumu, tika komizongisa nsima lokola mwasi ya Lutu.

Mikolo ya nsuka ezali pene. Mokolo moko nyonso Ekoya kozanga koyebisa; mokili oyo ekoleka. Oyo etikali mpo na yo ezali komipesa epayi ya mpo abikisa yo. Lingomba to ebongiseli ekobikisa yo te; Yesu kaka nde Mobikisi.

Soki olingi kobanda lisusu sika elongo na Nkolo, sala libondeli oyo na kondima:

LIBONDELI YA KOYAMBOLA MASUMU

Ee Nzambe Tata, nazali koya liboso na Yo, nayebi ete nazali mosumuki mpe nasali masumu mingi. Nalingi bolimbisi na Yo. Nabongoli motema na ngai na motema mobimba. Nandimi ete Yesu Kristo azali Nkolo mpe Mobikisi na ngai. Nazali kosenga ete makila na Ye esukola ngai mpe ekómisa ngai ekelamu ya sika kobanda lelo mpe mpo na seko.

Asante Nkolo Yesu mpo oyambi ngai mpe olimbisi ngai.

Amen.

Soki osali libondeli oyo na kondima, landa yango na misala: tika masumu nyonso, luka lingomba ya solo mpo okola na kondima, mpe zwa libatisi na komizindisa na mai na Nkombo ya Yesu Kristo

mpo na bolimbisi ya masumu.

Nkolo azala elongo na yo. Nzambe apambola yo mingi.

Share on:
WhatsApp